

Baɓa gba Polopi omabhuka na gɗɗa na Galate

© 2016 Wycliffe Bible Translators, Inc.

Licence - Creative Commons CC:BY-NC-ND

Balua gba Polopi omabhuka na gudu na

Galate

Eli na kalanu

Li okpala inde ne omaYuda ade aholo aziba Bádha Ngali lie-e, abhoma-o, u atsia ayi ngu nambila me: ngu nakolo makilisito na kaku-o, a ayo bha me kpala mene lili gba Moidje-e ? Polo atsia apa me a mo-o ade. Padha de, anga engu na ngbengbe inde bhu makobho gba makilisito, a ko nabhuka inde li ndu okpala hana akolo ngbingbili kala Ebhe ka e-o. La-a, okpala koko adu agu Polo, u atsia adu apa me, a ayo me u mene di lili gba Moidje ngubula me u kolo ngbingbili kala Ebhe. Balua inde li Polo aye e pi okpala na Galate-e, ani aye nani ngubula me okpala inde ambu li kpadji ka omasuno na eu bhoma-o, u sia nabhuka na kaku, amba u kolo la di li badha kpadji. Polo aholo nakpokpo lele maka a ayo lie me u 'i ani me bhulu titima gba Yesu Kilisito . Ani atsia agama 'ngu pindji ngu napa me e'i angoo ngu napa me ni kolo bhulu titima gba Yesu-o, ayie ka Ebhe, ayie ka angu gba kpala na doto belegu de bini. Ani atsia apa me kulu gba ni-e atsia naali okpala inde ne omaYuda ade-o. Bhu oalo na soso-o, Polo ngasuno me nabhuka bhu Kilisito ngaha mukunda, mukunda ngaha la di nadholo ndjindji bhu makobho gba makilisito.

Ongbengbe ongu inde bhu bhuku inde-e ngae inde:

Eli na kalanu 1:1-10

Angu gba Polo maka bhulu titima gba Yesu 1:11 – 2:21

Bádha Ngali na badha bhu 'bu gba Ebhe 3:1 – 4:31

Nadu bhu ngu e gba makilisito a la di-e kulu gba ani 5:1 – 6:10

Eli na soso 6:11-18

1

Polo yi omabhuka na ndu doto na Galatia mayi

¹Ma aye balɛa inde-e ngama Polo, ma ne bɛɛɛ titima gba Yesu Kilisito . Ma ne bɛɛɛ titima gba kpála koko ade. Yesu Kilisito atima ma ngae, a la di-e 'Dyi ani inde azuku ani bhú ká okpála inde amu-o. ²Ngama bhú dabilí bini ne ndɛ ondaise ní hana inde ei-e, ya aye balɛa inde-e pi omabhuka na oDadjua gba Ebhe inde bhú ndu doto na Galatia. ³A ayo me 'Dyi ní Ebhe bhú dabilí bini ne Ngámá gba ní Yesu Kilisito suno bádha bhú 'bu gba o-o pi yi, amba u ha di guo 'ngú pi yi. ⁴Yesu Kilisito andala 'kpa lie ngae makpe, ngɛbula nagbegbe ní bhú siti 'ngú gba ní, amba osisiti 'ngú na doto améne matá ehe bini ngú ní de. Ani amene mo-o nakpata lele maka li Ebhe 'Dyi ní akɛnda lie-o. ⁵A ayo me okpála dhøge Ebhe dɛdɛma ne dɛdɛma. A adɛ moko!

Koli Bádha Ngali gba Yesu Kilisito-o bha bini

⁶Ma ngangamba ka yi naali! Ebhe abɛɛ yi me yi dɛ ne okpála gba ni-e li kpadji gba Yesu Kilisito, ani atsia asuno bádha bhú 'bu gba e pi yi. La-a, belegɛ mo-o, yi akolo adji 'ngbɛ yi li ani má gala, yi atsia aholo nadjɛ Bádha Ngali koko. ⁷A la na paká me Bádha Ngali koko matá ade. Engú bini, okpála koko ngangbingi 'ndji yi. U ngakɛnda nasiti Bádha Ngali gba Kilisito-o. ⁸I dɛ me kpála koko, i dɛ di-e ya, i dɛ di-e sɛka andjelu bini ayie abhúlá nde akpokpo Bádha Ngali koko kpí ne bhende ya akpokpo e pi yi-e, Ebhe de tɛ pødjø li ani. ⁹Ya apa, ma la matá mbia inde-e ngapapa me, i dɛ me kpála koko nde akpokpo Bádha Ngali kpí ne bhende yi asia e-e, Ebhe de tɛ pødjø li ani.

¹⁰La-a, yi abhundja naayi me ma ngagili me okpála ziba ma? A mo-o ade, ma akɛnda mangbo me Ebhe ziba ma ngae. Yi abhundja naayi me ma akɛnda nanga li okpála? A mo-o ade. I dɛ me ma kɛnda matá nanga li okpála-a, ma de ne bali gba Kilisito ade.

Polo akpokpo lele maka ani akolo lie bɛɛɛ titima gba Kilisito-o

¹¹ Ondaise ma, ma akunda me yi mbila me Bádha Ngali inde ma ngakpokpo e, yie ka kpála-kuti de. ¹² Ma sia ka kpála-kuti de, kpála bini suno la di muma ngae de. Engú bini, Yesu Kilisito ambamba ta 'ngú inde awo lie mawo-o muma ngae. ¹³ Yi mbila lele nadholo gba ma nani na kalanu-o, nedhinga ma adu nakpata dasundu na Ebhe gba omaYuda lie hana. Li nedhinga bhomu-o, ma adu nato mbolo li omabhuka na Dadjua gba Ebhe-e nane dada mane. Ma adu nakunda nabhøbhøle mabhøle. ¹⁴ Ma ane nani omaYuda bhelé, inde adu ne kalanga maka ma bhú lele nakpata dasundu gba omaYuda-o. Ma aha nani lima libhomu ngubula dasundu gba onguo ogbi ní-o.

¹⁵⁻¹⁶ Belegu inde lie mo-o, Ebhe abhu nani ma. Ani abhu nani ma me ma nde ngabha bhú 'bu 'hi ma. Ani asuno nani bádha bhú 'bu gba e muma, ani atsia a'i ma me ma mene kulu gba ni-o. Li nedhinga ani a'o nani e akolo lie, ani atsia amene me ma mbila Ndili gba ni-e, ngubula me ma kpokpo Bádha Ngali gba ani-e pi okpála inde ne omaYuda ade-o. Li nedhinga bhomu-o, ma nu bhaka kpála bini de. ¹⁷ Ma nu la di bhú Yelusalema ngu nabhaka okpála inde adu nani obhulu titima gba Yesu Kilisito muma kalanu-o de. Engú bini, ma anu bha kolo má gala bhú Alabia, pipita-a, ma agie lima bhú Damasi. ¹⁸ Pita kalanga bata-a, ma atsia anu bhú Yelusalema ngubula me ya u li ya ne Piele^a bhatsibhatsi na bini. Ma adu agba ani ngubula 'kpi ndjikpa ne ka bhuluvue. ¹⁹ Ma u bhulu titima koko bini de, ma au bha bini Djaki, ndai Ngamá. ²⁰ Engú inde ma aye e inde-e, a ko kaku lu 'ngú, kala Ebhe-e, ma apa eu de.

²¹ Pipita-a, ma atsia anu bhú ndu doto na Silia di ne ndu doto na Silisia.

²² Omabhuka na oDadjua gba Kilisito na ndu doto na Yudaya u nga nani ma ne djila o de. ²³ U adu bha naje ongu inde li okpála koko adu napa e li 'ngú gba ma-o. U adu napa me: «Kpála inde adu nako nato mbolo li ya kalanu-o ayipa, ani ibili mbia inde-e ngakpokpo pi okpála Bádha Ngali inde ani adu nako nakunda nabhøle e-o.» ²⁴ Abhomu-o, u atsia adu nadhøgø Ebhe kabula ma.

^a1:18 Bhú eli na giliki-e, Sefasi-e: A ko 'ili koko gba Piele.

Polo agama 'ngú ne obhelesi okpála bhú gúdhú na Yelusalema

¹ Pita kalanga ndjikpa ne ká badha-a, ngaya ne Balanabasi, ya anú matá bhú gúdhú na Yelusalema. Ma atsia aha di Tito bhú dabilí bini ne ma. ² Ma anú maka lí Ebhe asuno muma líe mbámbá me ma n-ó. Ma akolo líe, ngama bhú dabilí ne obhelesi okpála-a, ya apókèbhè bhúla ya lí ngongo. Abhom-ó, ma atsia akpokpo kú Bádha Ngali inde ma ngakpokpo e-e pí omupagano-ó pí uo. Ma d-ú nakúnda de me kulu inde ma amene e ne bhe ma nde ngamane e-e d-ú padhá-a de.

³ Tito ya ad-ú ne e ad-ú Giliki. La-a, u pa pí aní de me aní lí gandja-a de. ⁴ Engú bini, omabhuka na eu alí bhú ká ya, u atsia ad-ú napa me, a ayo me aní lí gandja. Okpála angó-ó alí bhú pepe ngú natsia lele maka ya nde líe matá sa lílí ade-ó, anga ya akpètse líya ne Yesu Kilisito . U ngakúnda me ya kolo matá obalise na lílí gba Moidje-ó . ⁵ Ya 'ó belegú nedhinga pí uo bedí de ngúbula me ya lila kúkúlé 'ngú na Bádha Ngali-e pí yi malila.

⁶ Engú bini, obhende lí okpála ngau ó bhú djila ó maka ongámási na Piga gba Ebhe-e, muma-a, a kó 'ngbé 'ngú naali de. Padhá de, anga Ebhe tsia bhúla kpála de. Ongbengbe okpála bhóm-ó, nedhinga ma akpokpo Bádha Ngali inde ma ngakpokpo e pí okpála líe pí uo-ó, u 'ó 'ngú koko pépé de. ⁷ Engú bini, u au me Ebhe a'ó mangbo kulu na nakpokpo Bádha Ngali-e pí okpála inde ne omaYuda ade-e pí madhaka ma, maka aní a'ó naní bhende nakpokpo Bádha Ngali pí omaYuda líe pí madhaka Piele-ó. ⁸ Padhá de, anga u atsia ambíla me a kó bha kólí Ebhe bini inde naní aha angu pí Piele, atsia atima aní agba omaYuda-ó. Ebhe angó-ó aha di angu muma, aní atsia atima di ma agba okpála inde naao ne omaYuda ade-ó.

⁹ Djaki ne Piele di ne Djaa inde lí okpála ad-ú nau ó maka onepanda-a, ambíla me Ebhe asuno bádha bhú 'bu angó-ó muma na paká. Abhom-ó, u atsia aholo 'kpa ya ne Balanabasi. Bhobhom-ó asuno me ya akpètse líya ne uo bhú dabilí bini. Ya atsia adje líya ne uo nd-ú ya hana me, ngaya-a, ya anú naaya

namene kulu agba okpála inde naao ne omaYuda ade-o. La ngauo-o, u anú naao namene kulu agba omaYuda. ¹⁰ U apa bha pi ya koli engú bini. U apa pi ya me ya teteke obhulú ndibhili inde bhú ká omabhuka inde abhú Yelusalema-o. A la bhadi bhomú-o engú inde ma amene e ne bua ma bini-o.

Polo ambe bhú 'ndji Piele bhú Atiokia kala okpála

¹¹ Li Piele[†] ago bhú Atiokia lie, ma ambe bhú 'ndji ani kala okpála. Padhá de, anga ani amene púlú 'ngú. ¹² Kala me okpála li Djaki atima o kolo-o, Piele adú nazú 'he ne okpála inde ne omaYuda ade-e bhú dabili bini. Li okpála ango-o akolo lie, Piele agbe lie bhú ká uo, ani zú matá 'he ne okpála bhende ne omaYuda ade-e de. Padhá de, anga ani adú nakpe okpála inde adú akpata líli nali gandja-a makpe. ¹³ Ndú omaYuda koko hana adú di namene maka Piele. Abhomú-o ngaani Balanabasi, ani amene bhadi engú na kali maka uo. ¹⁴ Li ma u lie me u dhukú li kpadji na ngbingbili, na kúkúlú Bádha Ngali-e de-e, ma atsia apa pi Piele me: «Mú ne maYuda, mo omene la 'ngú maka kpála inde ne maYuda ade. I nde lie mo-o, lele pi mú ngagbite okpála bhende ne omaYuda ade-e lie ne kpéke me u dú namene e lio maka omaYuda?»

A ayo nabhuka Kilisito ngubula nasia mukobho

¹⁵ Nganí-e, ní azu liní omaYuda, ní ne okpála na kúti koko ade, inde i mbila líli gba Ebhe-e de-o. ¹⁶ Ní mbila ndjindji me kpála inde ngbingbili bhú djila Ebhe-e, a ko kpála bhende abhuka Yesu Kilisito, a ko bhende ngamene líli gba Moidje-e de. Nganí di-e, ní abhuka Yesu Kilisito ngubula me ní kolo ngbingbili kala Ebhe ka nabhuka gba ní bhú Yesu Kilisito-o. A ko ka de me ní ngamene líli gba Moidje-e de. Padhá de, anga kpála bini tí da nakolo ngbingbili kabula namene líli de.

¹⁷ Engú bini nganí-e, ní ngagili nadú ngbingbili kala Ebhe, anga ní abhuka Yesu Kilisito. Ní ngamene lie mo-o, ní maka okpála na sisiti. Bhobhomú-o akúnda napa me Kilisito ngato ní bhú siti? A mo-o ade! ¹⁸ I dú me ma nde akoto sa líli-e, pípita-a, ma gie matá líma sasa-a, ma akolo matá bhomú-o ngama makpe kpála

[†]2:11 Tsia bhú Gal. 1:18, 2:9, 14.

inde i manga líli-e de. ¹⁹ Li bhende atsia líli-e, ma akpi kuo inde ayie ka líli makpe ngɔbula me ma dɔ bhú məkobho pi Ebhe. U agi nani ya bhú dabili bini ne Kilisito li kulusi. ²⁰ Kaka-a, məkobho inde ma nde bhú e-e, a ko matá ma de, Kilisito ngakobho bhú ma ngae. Padhá de, anga məkobho ma nde ne e bhú kute inde-e, ma bhúbhú anga ma abhuka Ndili gba Ebhe inde akɔnda ma, ani atsia andala di kpa li məkobho gba e mɔma. ²¹ Ma yala bádha bhú 'bu gba Ebhe-e de. I dɔ me kpála nde ngbingbili kala Ebhe anga ani ngamene líli-e, bhobhomɔ-o akɔnda napa me tata li nakpi gba Kilisito-o ade.

3

Ebhe ngakobho okpála li pápá na nabhuka

¹ Ngayi okpála na Galatia, yi ne ongingi! Apite yi da? U akpokpo pi yi mbámbá lele maka li Yesu Kilisito akpi lie li kulusi-o. ² Ma ngayi yi li koli engú bini. Bu Bhobua inde li Ebhe aha e pi yi-e, ani aha pi yi anga yi sa líli gba Moidje ? Ne me ani aha pi yi anga yi adje, yi atsia abhuka la di Bádha Ngali-o . ³ Lele pi yi nde lie ne ongingi-e? Li lilita-a, yi akpo nani ne angu gba Bu Bhobua. Lele pi, yi ti da nabu tata lie ne angu gba kpála-kuti-e? ⁴ Engú apɔ pi yi bhelé. Yi abhundja naayi me a padhá? Ma abhundja naama me a padhá ade. ⁵ Ebhe ngaha Bua gba e pi yi, ani di ngamene ngamba 'ngú bhú ká yi. Ani ngamemene anga yi sa líli gba Moidje? Ani ngamemene anga yi adje, yi atsia abhuka la di Bádha Ngali-o?

⁶ Abalahama abhuka nani Ebhe. Kaka-a, Ebhe atsia au ani bhú djila e me a ko ngbili kpála .[†] ⁷ A ayo me yi mbila ndjindji me, okpála abhuka Ebhe-e ne kɔkɔlɔ ongisí gba Abalahama-a ngao. ⁸ U aye nani didili bhú Bhuku gba Ebhe-e me, okpála inde ne omaYuda ade-e, Ebhe aú uo ngbingbili bhú djila e ka nabhuka gba o-o. Kaka-a, Ebhe akpokpo nani Bádha Ngali inde-e pi Abalahama didili me: «Ma atúko bisagu pí ndɔ okpála na píla doto hana kabula mɔ.»[†] ⁹ Abalahama

[†]3:6 Tsia bhú Dje. 15:6.

[†]3:8 Tsia bhú Dje. 12:3, 18:18, 22:18.

abhuka nani Ebhe, abhomu-o, Ebhe atsia atuko bisagu pí ani. Okpála inde abhuka Ebhe-e, ani atúko bhadi bisagu pí uo maka ani.

¹⁰ La pí okpála bhende ngabhundja me o du ngbingbili kala Ebhe anga o ngamene engú inde li líli ngapa e, mangimbo gba Ebhe-e pí uo. Padhá de, anga Bhuku gba Ebhe-e apa me: «Ndu kpála hana inde i lila líli inde u aye e bhú bhuku-o ndu nedhinga hana de-e, a ayo me u tu pøjø li ani.†» ¹¹ A mbámbá me, kpála ngakolo kala Ebhe ngbingbili anga ani ngamene líli-e de. Ní ambila bhobhomu-o anga Bhuku gba Ebhe-e apa me: «Kpála inde ngbingbili kala Ebhe ka nabhuka-a, a kóbho makobho.†» ¹² La-a, líli dha bhú nabhuka de. A la di maka engú inde u aye e me: «Kpála inde ngamene ongú inde li líli-e ngapa e akóbho kaka.†»

¹³ Kilisito agbegbe ní sa pøjø na líli-o. Abhomu-o, pøjø anga-o atsia ati pí ani bhú da ní. Padhá de, anga u aye bhú Bhuku gba Ebhe-e me: «Kpála inde u agi e li ndula-a, a ayo me pøjø ti pí ani.†» ¹⁴ Amene lie mo-o ngubula me bisagu nani li Ebhe apa me ni ahá e pí Abalahama-a, okpála inde ne omaYuda ade-e sia di li kpadji gba Yesu Kilisito. A ko la di me li pápá na nabhuka-a, ní sia Bu Bhobua inde li Ebhe apa nani me ni ahá e-o.

Ebhe ngakobho okpála bhú gandja ani akodho e ne Abalahama-o

¹⁵ Ondaise ma, ma ngaha kukulu pi yi li engú inde ní auu e piko piko-o. I du me kpála bini nde apa ne bua e hana me ni améne engú inde ni abhundja namene e-e, i du la di me ongámási nde aziba engú anga-o, kpála bini ti da nabhøbhøle de, ani 'ó la di engú koko pépé de. ¹⁶ Ebhe apa nani me ni améne 'ngú pí Abalahama, di ne pí ndili inde akóto bhú piga gba ani. Bhuku gba Ebhe-e pa de me: «pi ongisi inde azé bhú piga gba mu», mugito me a ko okpála bhelé-e de. A apa me: «ne pí

†3:10 Tsia bhú Det. 27:26.

†3:11 Tsia bhú Abk. 2:4.

†3:12 Tsia bhú Lev. 18:5.

†3:13 Tsia bhú Det. 21:23.

ndili inde akoto bhú piga gba m[†]», ngú nasuno koli kpála bini inde Kilisito.

¹⁷ Engú inde ma ngakunda napa e ngae inde: Ebhe akodho nani gandja ne Abalahama, ani atsia apa me engú inde ni apa me ni améne e-e, ni améne mamene. Kalanga kámá badha ne ndjikpa bata pipita-a, líli gba Moidje atsia akoto. Líli ango-o ti da natu silika nani li Ebhe akodho e ne Abalahama de, a ti la di da nabholo engú inde li Ebhe apa nani me ni améne e pi Abalahama de. ¹⁸ I du me Ebhe nde ngamene bádha 'ngú pi okpála anga u ngakpata líli-e, amba a kpata engú inde li Ebhe apa me ni améne e pi okpála-a de. La-a, Ebhe asuno bádha bhú 'bu gba e pi Abalahama, anga ani apa nani me ni améne pi ani mamene.

Ta líli li Ebhe aha e ne ni?

¹⁹ Ta líli-e ne ni? Ebhe aha nani líli-e ngubula me ní mbila me siti 'ngú ngae dho-ie. Ani aha nani ngú nadjেকে nedhinga inde li Ndili gba Abalahama agó lie-o. A ko kpála inde li Ebhe apa nani me ni améne ehe pi e-o. Ebhe aha nani líli ango-o pi okpála li pápá gba oandjelu , u atsia akpokpo 'ngú tété pi okpála li pápá gba bhende adu maka ludu^b sunda Ebhe ne okpála-o. ²⁰ U dudu ne gumu ludu ngubula koli kpála bini de. La-a, Ebhe bha ngae kpi e kpi.

²¹ A akunda napa me líli-e ngatu 'ndji e ne engú li Ebhe apa e? A mo-o ade. I dú ne líli inde i ti da naha mukobho na kukulu pi okpála-a, a de tí da namene me u kolo di ngbingbili kala Ebhe. ²² Engú bini, a maka u aye lie bhú Bhuku gba Ebhe-e me, siti 'ngú ako angu e pí ndu okpála na píla doto libhomu. Kaka-a, Ebhe aha ehe inde ani apa me ni ahá e pi omabhuka kabula nabhuka gba o bhú Yesu Kilisito-o.

²³ Nani kalanu me kpadji nde nga ade ngubula me okpála bhuka-a, ní adu maka okpála inde bhú tikpu sa líli, akolo li nedhinga li Ebhe asuno kpadji lie pi ní ngú nabhuka-o. ²⁴ Líli-e adu nani pi ní maka mulila akolo li nedhinga li Yesu Kilisito ago lie-o. A adu mo-o ngubula me ní kolo ngbingbili bhú djila Ebhe, anga ní abhuka Yesu Kilisito. ²⁵ Mbia inde-e, li kpadji abhulu lie lie me ní bhuka Yesu

[†]3:16 Tsia bhú Dje. 12:7.

^b3:19 *Ludu*: A ko Moidje .

Kilisito-o, líli-e matá ne málila gba ní ade. ²⁶ Padhá de, anga ndu yi hana yi ne ongisi gba Ebhe, anga yi abhuka Yesu Kilisito. ²⁷ Ndu yi hana inde asia batisimo bhú Kilisito-o, yi akolo maka ani. ²⁸ Kaka-a, ndu yi hana, yi akolo kpála bini anga yi akpøtsø liyi ne Yesu Kilisito, maYuda, i du di-e kpála inde ne maYuda ade-e ade. Bali, i du di-e kpála inde ne bali ade-e ade. Bhoko, i du di-e ølø ade. ²⁹ I du me yi nde ne okpála gba Yesu Kilisito-o, amba yi ne odi Abalahama. Abhomu-o, yi asía ehe inde li Ebhe apa nani me ni ahá e pi Abalahama masia.

4

Omakilisito matá bhú bali ade, engú bini, u akolo ongisi gba Ebhe

¹ Engú inde ma akunda napa e ngae inde: a maka ndili inde asia tia gba 'dyi e-o. Nedhinga ani nde nga bha lie yeye-e, ani maka bali, belegu li ndu 'he hana nde lie naani-o. ² Nedhinga ani nde nga bha lie yeye-e, okpála dú nalila ani, u tsia dú di natsia 'kpí li ongú gba ani-e akólo li ekpí li 'dyi ani a'o e-o. ³ A bhadi moko, li nedhinga ní adu nani lie maka ongisi-e, ní adu obalise gba osisiti bua inde ngau píla doto-o. ⁴ Nedhinga inde li Ebhe a'o nani e akolo lie, Ebhe atsia atima Ndili gba e-o. Ølø bini azu ani ngae. Ani adu nani sa líli gba omaYuda-a, ⁵ ngubula me ani kobho okpála bhende adu sa líli-o, amba ní kolo ongisi gba Ebhe.

⁶ Ka yi nde lie ne ongisi gba Ebhe-e, ani atima Bua gba Ndili gba e li bua ní. Bua ang-o ngapa me: «Aba, 'Dyi ma!» ⁷ Bhobhomu-o, akunda napa me, mu matá ne bali na líli gba Moidje ade, engú bini, mo okolo ndili gba Ebhe. Mu nde lie ne ndili gba ani-e, ani ahá obabadha 'ngú inde ani a'o e pi ongisi gba e pi mu maha.

Omabhuka na Galatia masikpe de nagie matá lio bhú bali ne toto

⁸ Nani kalanu-o, yi mbila nga nani Ebhe de, yi atsia adu obalise gba oebhe na eu, inde ne okakulu Ebhe ade. ⁹ Engú bini, la mbia inde-e, yi ambila Ebhe, ne me ani ambila mangbo yi ngae. La-a, lele pi yi ti da matá lie nagie liyi li pápá gba osisiti bua na padhá, inde li angu nde bhú o ade-e, inde li tata nde la di li o ade-e? Ka ni yi akunda matá lie nakolo obalise gba uo-o? ¹⁰ Yi aholo matá namene olíli inde

atsia okpí, ne oepe, ne onedhinga di ne okalanga. ¹¹ Ma ngadje tsulɛ me ndala gba ma li ma amene kulu lie pi yi-e aná padhá de.

¹² Ondaise ma, ma ngakikiliki lima pi yi me, yi kolo maka ma, anga ma akolo di maka yi. Yi mene siti 'ngú li ma belegɛ de bini. ¹³ Yi ambila ndjindji me ma akpokpo Bádha Ngali-e pi yi bhɛtsibhɛtsi na bini-e anga adɛ li ma ne kuo.

¹⁴ Kaka-a, a ayo nako me kuo ang-o bu tsulɛ li yi, amba yi tse la di ma. La-a, yi u ma padhá de, yi tsia tse la di ma de. Yi asia ma maka andjelu gba Ebhe, mɛgito me yi asia Yesu Kilisito . ¹⁵ Li nedhinga bhomɛ-o, yi adɛ bhú djali. Akolo li yi ne mangua 'ngú dho? Ma ambila ndjindji me li kpadji dá uu-o, yi de apandja odjila yi, yi tsia há mɛma. ¹⁶ La mbia inde-e, ma akolo bhulɛ yala gba yi, anga ma ngapa pi yi kɛkɛlɛ 'ngú?

¹⁷ Obhulɛ eu bhomɛ-o ngakɛnda me o gbele yi li pápá gba o, engú bini, ta namene ka uo mo-o ndjindji ade. U ngamene mo-o ngɛbula me yi dji 'ngbɛ yi li ma, amba yi gbite liyi li o. ¹⁸ A ndjindji ne nagbite lio ndɛ 'kpí hana li bádha 'ngú. Yi améne bha bini de me ma nde bhú ká yi-e de. ¹⁹ Odi ma, ma matá ngazɛ likabhu kabula yi ne toto maka ɛlɛ inde ngazu. Ma azú likabhu ang-o akólo li nedhinga inde yi akólo lie maka Kilisito-o. ²⁰ Ma ne gɛmɛ me ma dɛ de yi mbia inde-e ngɛbula me ma gama 'ngú pi yi kpi. Padhá de, anga bua ma alɛ ngú yi abhúlá má gba!

Agala ne Sala ngasuno lele gandja bhisi gba Ebhe-o

²¹ Yi pa nga mɛma, ngayi okpála inde akɛnda nadɛ sa líli-o. Yi dje engú inde li líli ang-o ngapa e di? ²² U aye bhú Bhuku gba Ebhe-e me Abalahama azu nani ongisi na bhosi bhosi bhisi. Ani azu bini li Agala, ɛlɛ inde adɛ bhú bali, bhe koko-o, ani azu li Sala, ɛlɛ inde i dɛ naae bhú bali de ko. ²³ Ndili bhende ani azu e li ɛlɛ inde adɛ bali-e, ani azu ani maka u azuzu kpála-kɛti lie-o. La-a, ndili bhende ani azu e li ɛlɛ inde i dɛ bhú bali de-e, ani azu ani maka li Ebhe apa nani lie-o.

²⁴ Engú inde akodho 'kpí li bili bhomɛ-o ngasuno pi ní engú inde na ngbéngbé, li ta e awo di lie mawo. Olisi bhisi bhomɛ-o ngasuno gandja bhisi li Ebhe akodho

nani e-o. Өlө na kulu, Agala ngasuno gandja inde li Ebhe akodho nani e ne Moidje pí eta na Sinai-o. Ongisi gba Agala nani ne obalise. ²⁵ Agala-a, a ko kulu eta u a'i e me Sinai bhú doto na Alabia. Eta ango-o mbia inde-e maka Yelusalema. Padhá de, anga Yelusalema bhú bali ne ongisi gba e-e hana. ²⁶ Engú bini, Yelusalema na abhúlá-a bhú ngu e. A ko 'hi ní ngae. ²⁷ Padhá de, anga u aye bhú Bhuku gba Ebhe-e me:

«Kpi djali, ngamɛ i zu de, ngamɛ ɵlɵ inde i zuzu de-o.

Sɔla ne djali, amba mɛ tɛ 'ue,
ngamɛ ɵlɵ inde i dje likabhu nazu de-o!

Padhá de, anga ongisi gba ɵlɵ
inde li 'ko e ngabhundja e ade-e,
adú bhelé ane ongisi gba ɵlɵ inde bhú kɛva-o.†»

²⁸ Ngayi ondaise ma, maka Isaka-a, yi ne ongisi inde u azu o maka li Ebhe apa nani lie-o. ²⁹ Nani li nedhinga bhomɛ-o, ndili inde u azu e maka u azuzu kpála-kuti lie adɛ nato mbolo li ndili inde u azu e bhú angu gba Bu Bhobua-o . A bhadi li nedhinga na naki-e moko. ³⁰ La-a, Bhuku gba Ebhe-e apa pi? A apa me: «To holo bhú 'dhɛ ɵlɵ na bali-e bhú dabili bini ne ndili gba e-o. Padhá de, anga a ayo de me ndili gba bali-e sia ohe gba 'dyi o-o bhú dabili bini ne ndili gba ɵlɵ inde bhú bali ade-e de.†» ³¹ Kaka-a ondaise ma, ní ne ongisi gba ɵlɵ na bali-e ade, ní mangbo ne ongisi gba ɵlɵ inde bhú bali ade ko.

5

Kilisito agbegbe ní bhú bali-e agbegbe

¹ Kilisito agbegbe ní bhú bali-e agbegbe ngɛbula me ní dɛ bha ndjɛ bhú ngu ní. Kaka-a, yi lɛ kpekpeke, yi a'ó matá de me yi gie liyi bhú bali-e de.

² Yi djedje! Ngama Polo-o, ma apa pi yi me, i dɛ me yi nde ali gandja-a, Kilisito

†4:27 Tsia bhú Isa. 54:1.

†4:30 Tsia bhú Dje. 21:9, 10.

dú pi yi ne tata de. ³ Ma ngapa matá na paká paká pi ndu obhosi hana inde ali gandja-a me, a ayo me u manga ndu líli-e hana. ⁴ Ngayi okpála bhende ngabhundja me Ebhe aú yi ngbingbili bhú djila e kabula namanga líli-e, yi agbo bhusu yi ne Kilisito agbo. Bádha bhú 'bu gba Ebhe-e aneke yi aneke. ⁵ La pi ya-a, ya nga'o 'to ya 'to Ebhe, inde améne me ya du bhú djila ni ngbingbili ko. A bhomu-o engú inde ya ngadjeke me amene lie má gala li pápá na angu gba Bu Bhobua , inde ngau lie bhú nabhuka gba ya-o. ⁶ Padhá de, anga pi kpála bhende akpetse lie ne Yesu Kilisito-o, nali gandja , i du di-e nali gandja de-e, a pi ani ne tata ade. Engú bini, ehe inde ne tata-a, a ko nabhuka inde ngamene kulu ne mukunda.

⁷ Yi akpo lilita ndjindji. A ani kpadji pi yi da me yi amánga kukulu 'ngú-o de-e? ⁸ Engú na sisiti inde u ato e bhú 'ndji yi bhomu-o yie ka Ebhe kpála inde a'i yi-e de. ⁹ Mboye ka levile^d bedi ngamene me ndu mapa hana fuka. ¹⁰ Ngama-a, ma nga'o 'to ma libhomu 'to Ngámá li 'ngú gba yi-o, anga ma ambila na paká me yi bhundja 'ngú koko kpí ne ma de. Engú bini, kpála bhende ngangbingi 'ndji yi bhomu-o abí mangimbo gba Ebhe, belegu i du bha da-ie!

¹¹ Muma-a ondaise ma, i du me ma nde nga bha matá ngakpokpo 'ngú nali gandja-a, ka ni la u nde ngabha lie ngato mbolo li ma-a? I du mo-o, amba tata li nakpokpo 'ngú pindji nakpi gba Kilisito li kulusi-e ade. ¹² A ayo me okpála inde ngangbingi 'ndji yi-e kolo maka oenike.^e

¹³ Pi yi-e ondaise ma, Ebhe a'i yi me yi adú matá obalise na líli gba Moidje de. Yi nde la lie bhú ngu yi-e, yi adú namene ogumu na sisiti gba yi na kalanu-o de. Engú bini, yi teteke liyi sunda yi ne mukunda. ¹⁴ Padhá de, anga ndu líli hana akpetse lie bhú koli líli bini inde me: «Kunda kilí mu maka mo okunda limu lie ngamu makpe ko.†» ¹⁵ Engú bini, i du me yi nde ngamene liyi maka onu 'te inde

^d5:9 *Levile*: Ngasuno lele kulu okpála inde apite omabhuka na Galatia-o.

^e5:12 *Eniki*: A ko bhoko inde i ti da nakunda elø de, anga angu na bhoko bhú ani ade. Tsia bhú Mat. 19:12.

[†]5:14 Tsia bhú Lev. 19:18.

nganɛnɛmɛ lio di ne na'o'o 'ka lio sɛnda o-o, 'e-e la-e, yi abhili liyi sɛnda yi mabhili.

Yi 'o me Bu Bhobua suno kpadji pi yi ngae

¹⁶Ma apa pi yi me, yi 'o me Bu Bhobua suno kpadji pi yi ngae. I dɛ me yi nde amene mo-o, yi kpata mata ogumɛ na sisiti gba yi na kalanɛ-o de. ¹⁷Padha de, anga ogumɛ na sisiti gba yi ngagu bhende gba Bu Bhobua-o. Gumɛ gba Bu Bhobua di ngagu bhende gba ni makpe-o. Ogumɛ bhomɛ-o ngatɛ 'ndji o sɛnda o, masikpe de napa me yi ti da namene engu inde yi akunda namene e-e de. ¹⁸I dɛ me Bu Bhobua nde ngasuno kpadji pi yi ngae-e, yi mata sa lili ade.

¹⁹Okulu gba kute ni makpe ngau lie mbamba. A ngau lie hu nakunda olisi, i dɛ di-e obhosi ngangá, di ne ogumɛ ongu koko hana na sisiti. ²⁰A ko nadhoge oebhe na eu, a ko namene engu na kobha. U ngayala lio sɛnda o, u ngatsi, u ne 'ngbe bua, u ngake 'ngu lio, u bha bini ngabundja engu gba o makpe. U ngagbogbo bhusu o, u dje lio de. ²¹U abedhe ne gumɛ 'he gba okpala koko hu o bedhe, u akolo obalise na pandi, a ko obhulu kundu 'zu, u ngamene ongu koko bhele bhele maka ongu bhomɛ-o. Ma ngagbele 'dje yi mbia inde-e maka ma amene lie nako kalanɛ-o: okpala inde ngamene ongu mo-o, sia dabili hu Naɛ gba Ebhe-e de.

²²Engu bini nguwa gba Bu Bhobua-a, a ko mukunda, djali, guo 'ngu , 'ndja bua, badha bua, namene badha 'ngu, nade ne kpala inde u ti da na'o 'to o 'to e, ²³nake lio ne kuto, naholo bua o ka 'ngu maholo. Lili bini yala ongu bhomɛ-o de.

²⁴Okpala gba Yesu Kilisito agi ogumɛ na sisiti gba o-o li kulusi. ²⁵Bu Bhobua ngaha mukobho pi ni ngae, kaka-a, a ayo me ni 'o me ani suno kpadji pi ni ngae.

²⁶Ni adu ne 'ngbe 'ndji de. Ni adu nake 'ngu lini sɛnda ni de. Ni adu la di ne 'ngbe bua sɛnda ni de.

6

Ni teteke lini sɛnda ni

¹Ondaise ma, i dɛ me kpala bini nde ati hu siti 'ngu-o, ngayi okpala bhende li Bua gba Ebhe-e nde hu o-o, yi de gie ani li ngbili kpadji ne badha bua. Kpala ne

kpála lila la di lie me ni atí bhú nale de. ² Yi teteke liyi sànda yi bhú otitili 'ngú inde sànda yi-o. I dɛ me yi nde ngamene mo-o, yi méne líli gba Kilisito . ³ I dɛ me kpála bini nde ngabhundja me ni ne 'ngbé kpála, a nde la kpála na padhá-a, amba ani ngapite lie ngae makpe. ⁴ A ayo me kpála ne kpála tsia lele nadhɔkɔ gba e ngae makpe. I dɛ me a nde ndjindji-e, ani tsia kpí djali lí kulu gba e-o. Ani kpí djali de me anga ni akpo 'ndji ni ne kpála koko de. ⁵ Padhá de, anga a ayo me kpála ne kpála bi titili 'ngú gba e-o.

⁶ Kpála inde u asuno eli gba Ebhe-e pí e-e, a ayo me ani gbogbo bhɔsɔ tia gba e ne mɔsuno gba e-o.

⁷ Yi apíte liyi de, u mɔmɔ Ebhe de. Kpála asía bha bini nguwa inde ani alu e-o. ⁸ I dɛ me ani nde ngamene 'ngú maka lí ogɔmɔ na sisiti ngatima ani lie-e, nguwa inde ani asía e-e, a dɛ kuo. Engú bini, ani mene engú inde nganga lí Bu Bhobua-a , nguwa inde ani asía e-e, a dɛ mukobho na dɛdɛma. ⁹ Ní andála lí namene babadha 'ngú de. Padhá de, anga ní zì kekele tété nakolo alí soso-o, ní sía nguwa gba ní-e lí nedhinga ango-o. ¹⁰ Kaka-a, i dɛ me kpadji nde u-o, a ayo me ní mene bádha 'ngú pí ndɛ okpála hana, a ne la mane pí ondaise ní bhende bhú 'bu nabhuka ko.

Polo ngaha olíli na soso

¹¹ Engú inde ma aye e pí yi mbia inde-e, ma aye ne 'kpa ma makpe, maka yi ngauu lie ne ngbengbe djila balɔa-o. ¹² Okpála inde ngaholo yi ne kpéke me yi lí gandja-a, a ko okpála inde ngakɔnda nanga lí okpála. U ngamene mo-o ngɔbula me okpála ató mbolo lío kabula kulusi gba Kilisito de. ¹³ Okpála inde ngali gandja bhomɔ-o ngamanga líli ade. Uo ngaholo yi ne kpéke me yi lí gandja, amba u bhí 'kpa o pí mbulu o me o to yi bhú gandja ne kpéke.

¹⁴ La mɔma-a, ma ngabhi bha bini 'kpa ma pí mbulu ma kabula kulusi gba Ngámá gba ní Yesu Kilisito-o. Padhá de, anga lí pápá na kulusi-e, ma au ongú na doto maka ehe na kukuo, la di-e, ma maka kpála inde akpi bhú ongú na doto akpi. ¹⁵ Kaka-a, nali gandja , i dɛ di-e nali gandja de-e, tata tété ade. Engú inde ane mane-e, a ko mangbo me Ebhe dji kpála, amba ani kolo kpála na mbia. ¹⁶ Pí ndɛ

okpála hana inde ngakpata engú inde ma ngasuno e-e, a ayo me Ebhe ha guo 'ngú pi uo, amba ani dje di ndjinga uo bhú dabili bini ne omaɪsalaele na kəkəkə, inde okpála gba Ebhe ko.

¹⁷Nayie pi mbia inde-e, a ayo de me kpála bini 'o matá ləngalə kala ma li 'ngú bini-e de. Padhá de, anga opokoli inde li kute ma inde-e ngasuno me ma ne kpála ka Yesu.

¹⁸Ondaise ma, a ayo me bádha bhú 'bu gba Ngámá gba ní Yesu Kilisito də bhú dabili bini ne ndə yi hana. A adə moko!